

Sanhgyangh:

Doxdax Golaux Dungcuz Angqhoh “Ciet Dohyeh”

Ndwen 11 ngoenz 7, Sanhgyangh Dungcuz Swciyen banh gaiq daihseiq doxdax golaux Dungcuz, daengx yienh 27 aen doih golaux Dungcuz caemh daiz doxdax dinfwngz, langhbaij gij yinxdaeuz golaux Dungcuz, angqhoh gaiq daihcibroek Cungguck (Liujcouh • Sanhgyangh) ciet dohyeh Dungcuz.

Golaux Dungcuz dwg guk raeuz dieg Dungcuz cungj habciengq ndawbiengz laiduih, mbouj yungh cijveih, mbouj miz buenxcienq, swyienz habsing ndeu, bi 2009 ndaej liedhaeuj Lenzhozgoz 《Vunzloih Feihvuzciz Vwnzva Yizcanj Daibyauciz Mingzloeg》.

(Vuz Lenyinh/吴练勋)

►Aen doih golaux Dungcuz hwnj daiz doxdax.



Lozcwngz:Swncienz “Feihyiz” Coi Vut Gungz

Ndwen 11 ngoenz 5, youq Lozcwngz Mulajcuz Swciyen dieg aneicq senj dieg banggungz “Gyaranz Mulauj”, mehmbwk dangdieg cingq hag dinfwngz “feihyiz” Mulajcuz. Mboengq-neix, Lozcwngz Mulajcuz Swciyen youq dieg aneicq senj dieg banggungz “Gyaranz Mulauj” banh aen ban dinfwngz dajsiuq Mulajcuz, guh nyumx baengzdoj, cabnyumx, labnyumx, cingj bouxswncienz dajsiuq, guh nyumx baengzdoj daeuj son dinfwngz “feihyiz” hawj mehmbwk dieg aneicq, daezsang gij naengzlig couhnieb mehmbwk senj dieg banggungz, saedyienh “senj vunz hix senj minzcuz vwnzva”, louz “gij rag vwnzva”.

Lozcwngz dwg aen swciyen Mulajcuz daengx guk dandog. Seizneix, aen yienh neix miz 1015 hangh feihvuzciz vwnzva yizcanj hanghmoeg, ndawde, dinfwngz dajsiuq Mulajcuz, dinfwngz guh nyumx baengzdoj Mulajcuz daengj gaenq ndaej liedhaeuj swcigih gaep feihvuzciz vwnzva yizcanj daibyausings hanghmoeg mingzloeg.



▲ Bouxswncienz(cungqgyang) son gyoengq mehmbwk guh nyumx baengzdoj.



▲Bouxswncienz son bouxhag baenzlawz siuq.

Lungzswng Banh Aen Ban Son’gyauq Dinfwngz Dajsiuq Buhvaq Hungzyauz

Ndwen 11 ngoenz 6, aen ban son’gyauq dinfwngz dajsiuq buhvaq Hungzyauz Lungzswng Gak Cuz Swciyen youq aen dieggoek swncienz dinfwngz guh buhvaq Yauzcuz(Hungzyauz) aen yienh neix haiban, cingj bouxswncienz daibyausings gukgya gaep, swcigih gaep feihvuzciz vwnzva yizcanj mingzloeg hanghmoeg (buhvaq Hungzyauz) daeuj son’gyauq dinfwngz labnyumx, dajsiuq daengj, 50 lai boux mehmbwk Hungzyauz Lungzciz Cin, Swsuij Yangh, Gyanghdij Yangh aen yienh neix daeuj hag.

Geij bi neix daeuj, aen yienh neix vwnzva bumwnz doenggyaq vatcimh caeuq gungganq bouxswncienz daibyausings buhvaq minzcuz vunznoix, guh son’gyauq hag labnyumx caeuq dajsiuq, laebbaenz aen bozvuzgvannj Hungzyauz daengj banhfap, gyalai bujhoh caeuq swncienz gij vwnzva buhvaq minzcuz. Bi 2014, buhvaq Yauzcuz (buhvaq Hungzyauz) Lungzswng ndaej senjhaeuj gukgya gaep feihvuzciz vwnzva yizcanj daibyausings hanghmoeg mingzloeg gya’gvangq hanghmoeg mingzloeg. Ndaej daengz Lungzswng lijyouzyez daiqdoengh, beixnuengx Yauzcuz giethab minzcuz conzdungj bonjfaenh, daenj doenghgij buhvaq neix ciengq fwen Yauzcuz, langhbaij hawj bouxhek gak dieg daeuj guhcaemz haenx yawj.

(Vuz Cencen/吴倩茜)

Denzyangz:

Angqhoh Ciet Vwnzva Danqhaenh Seizdaih Moq



▲Bouxyienj cingq yienjheiq.

ndei vuenyungz, youq mwh cou doeng doxlawh neix hawj gyoengqvunz yawj ciengq heiq yinx dangqmaz ndeu, ndaej daengz gyoengqvunz haenh.

(Vangz Gozsun/黄国顺)

Ndwen 11 ngoenz 7 banhaemh, bineix ciethieq laebdoeng gaxgonq, Denzyangz Yen Denzcouh Cin Fungmaj Cunh Mbanjmomaj banh gaiq daihcibsam ciet vwnzva minzsuz, cingj ca mbouj geijlai 10 aen doihheiq mbanj henzyawj daeuj yienjheiq, ciengqgo diuqfoux danqhaenh gij cwngcwz leih lwgminz aen dangj caeuq cwngfuj, ciengq gij ndwenngoenz gyaen-